



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA
www.unitepastorala.org

Ann A 10.05.2026 - 17.05.2026 - Sesta domënia de Pasca

n. 24

L'Anima dla dljia é le Spirit Sant

📖 St.Ap 8, 5–8.14–17 | 1 Pire 3, 15–18 | Jan 14, 15–21

Dal Vangele do San Jan 14, 15–21:

Te chël tēmp à Gejù dit a sù discepui: ¹⁵Sc'i m'orëis bun, se tignarëise a mi comandamēnc, ¹⁶y iö periarà le Pere, y ël ves darà n'ater paraclet, che dess restè pro os por dagnora. ¹⁷Al é le Spirit dla verité, che le monn ne po nia ciafè, deache ël ne le vëiga nia y ne le conësc nia. Os indere le conescëis, cíodich'al sta pro os y sarà te os. ¹⁸I ne ves lasciarà nia indô sciöche òrfanns, mo i vëgni indô da os. ¹⁹Ma cíamò püch tēmp, y le monn ne me vëiga nia plü; mo os m'odëis, deach'i viri y inçe os viarëis. ²⁰En chël dé conesciarëise: Iö sun te mi Pere, os sëis te mè, y iö sun te os. ²¹Chël che tol sò mi comandamēnc y se tēgn a d'ëi, chël m'ô bun; a chël che m'ô bun, ti vëgnel orü bun da mi Pere, y inçe iö ti orarà bun y a chël me darai da conësce.



ATLAMAZIUN

Chel che m'ô bun, se tēgn a mia parora. Mi Pere ti orará bun, y nos abitarun pro d'el. Alleluia.

📖 Letöres dla GRAN FESTA DL'ASCENSIUN DAL SIGNUR - PALSACRUSC:
St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–20

Edema liturgica dai 10.05. ai 17.05.2026

2026	Ora	
<p>Sesta domënia de Pasca 10.05.2026 <i>De dla oma Damian de Veuster, Jan da Ávila</i> <i>Oferta por la dlijia</i></p>	<p>7:45 <u>8:15!</u></p>	<p>Corona S.Mëssa por la comunité <i>Siur Klaus</i> aniv. + Rosalia Aiarei Pezzei aniv. + Jule Sottrovisch aniv. ++ Florino y Clara Paratscha</p>
<p>LÖNESC - 11.05.2026 <i>Walter, Iachin</i></p>		<p><i>19.00 - S.M. a La Plí</i></p>
<p>MERTESC - 12.05.2026 <i>Pancraz, Nereus y Achilleus</i></p>	<p><u>19:00</u></p>	<p>1. Dé dles crusc por en bun isté Prozesciun a Al Bagn y S.Mëssa en onur di Sanc Chrisantus y Daria</p>
<p>MERCUI – 13.05.2026 <i>memoria de Santa Maria da Fatima, Servaz</i></p>	<p><u>8:00</u></p>	<p>2. Dé dles crusc por en bun isté Prozesciun a Frëina y S.Mëssa en onur de S.Ujöp Frëinademetz</p>
<p>JÖBIA - 14.05.2026 <i>Bonifaz, (Matia apostul)</i></p>		
<p>VËNDRES - 15.05.2026 <i>Sofia, Sonia</i></p>		<p><i>7.30 - S.Mëssa a Al Plan</i></p>
<p>SABEDA - 16.05.2026 <i>Johannes Nepomuk, Adolf</i></p>	<p><u>5:45</u></p>	<p>3. Dé dles crusc por en bun isté Prozesciun a La Plí y S. Mëssa dales 9:00</p>
<p>GRAN FESTA DL'ASCENSIUN DAL SIGNUR - PALSACRUSC - 17.05.2026 <i>De mondial dai mesi de comunicaziun soziai Dietmar, Walter</i> <i>Oferta por la dlijia</i></p>	<p>10:00</p>	<p>Festa dla Pröma S.Comuniun Ingres da scora te dlijia S.Mëssa por i comunicanc y families</p>



Informaziuns y terminns

Dis dles Crusc: Düc é dër bel inviá a to pert ales prozesciuns di dis dles crusc y insciö se mëte deboriada sön trú por perié do aiüt, proteziun y benedisciun por n bun isté.

AL VÈGN CHIRÍ VOLONTARS POR FAMILIES.... por che vigni möt ciafa la poscibilité de en bel scomenciamënt tla vita - tl raiun – Bornech - Val Badia - Türesc - y Val de Puster. L'aiüt ne mëss nia ester gran, en pice de na man fëj fora datrai dër tröp sciöche: jí a cumpré ite, daidé fá laurs te ciasa, ciaré do ai mituns en valgünes ores, sostegni i geniturs tl organisaziun da vigni de yii... Aste vëia y la orenté da daidé spo ví a fá pert sciöche mëmber/a atif por daidé families jones con pici mituns danter i 0 y 3 agn por ti garantí insciö en bel y bun mëteman tla vita. Lascete adintene pro le Katholischer Familienverband de Südtirol (KFS). 0471974778

Ciamena dal guant a Picolin - Le grup dla Ciamena dal guant a Picolin inviëia dër bel la jënt da gní a se chirí fora guant, la jöbia dales 14:00 ales 16:00. Düc é bëgnodüs, mo por gauja de lerch vëgnel ince perié, dal 1. de jügn inant, dër bel da ne dé nia jö guant por n pez. Ti ultims mëisc él gnü condüt dër tröp guant, deache la Caritas n'á nia plü fat la racoiüda da d'altonn. Plü inant, canche an ará dé ia le guant che an á, podarál indô gní condüt guant. Chësc gnará spo lascé alsavëi.

CONZERT D'AISCIÖDA: La **Musiga da San Martin de Tor** á le plajëi da invié düc i amanc y apascioná dla musiga al concert d'aisciöda "**Südtirol-nosta patria**" en sabeda ai 16 de ma dales 20:00 tl salf dles manifestaziuns a San Martin. Sot ala direziun de Katrin Zingerle sarál da aldí n program desvalí te döes perts cun cianties tradizionales y ince cun melodies plü modernes, dötes de componisc de Südtirol. I Ves aspetun düc cun gran ligrëza! (Musiga da San Martin de Tor – codesc fiscal 81009430216 - Osta firma sön la detlaraziun dl davagn: por Os debann, por nos n gran sostëgn! Bel dilan damperfora!)




Parch Natural Fanes-Senes-Braies á le plajëi da Ves invié al **DE INTERNAZIONAL DI MUSEUMS** en domënia, ai 17 de ma – Program : dales 14:00 ales 18:00 – Laboratori creatifs cun le personal dl Parch Natural - dales 15:00 – presentaziun dl liber por mituns "Le sföi salvare da colorí de Hermi" de Luca Complojer (por ladin) , dedô ativités por mitans y mituns - dales 17:00 – vijites menades te museum por talian y todësch cun Herwig Prinnoth y Mattia Maldonado - L'azes te trami i museums é gratis döt le de dales 10:00 ales 18:00

50 agn Scora de Musiga Val Badia: scolars, geniturs, familiars y düc chi che á ligrëza cun le cianté y le soné é dër bel inviá ala festa de iubileo por i 50 agn de ativité dla Scora de Musiga Val Badia, sabeda ai 16 de ma 2026 dales 16:00 tla Ciasa dla Cultura a La Ila.

Daurida dla mostra tl Istitut Ladin a San Martin ai 15 de ma, dales 18.00: Retrac sura Cortina d'Ampëz 1956-2026 "Il terreno dei giochi".



Les mames é chères che cifa scincundes y da cá scincundes. Te na mosöra cotan maiú co chëra che an pó dí cun ciüfs. Les mames scinca vita y vëgn scincades cun vita. Scinca amur y cifa amur. Scinca ligrëza y se ralegrëia. Y deache les mames scinca scialdi gonot deplü co ci che ares cifa, él le de dla uma. Nia tan sciöche de de rengraziamënt, mo sciöche recordanza: che vigni de é de dla uma: n de de pinsier y de rengraziamënt.

	12.05.2026	Maximilian - Luisa
	17.05.2026	Gabriel – Maximilian – Teo - Julian
	17.05.2026	<i>(Pröma Santa Comuniun)</i>
	<p>Les mius aodanzes por le compliagn ti fajunse a Unterweger Paolo (95). Döt le bun.</p>	